

## AUGLÝSING um þingrof og almennar kosningar til Alþingis.

Samkvæmt tillögu forsætisráðherra hefur forseti Íslands gefið út svofellt bréf um frestun á fundum Alþingis:

„FORSETI ÍSLANDS  
gjörir kunnugt:

Þegar Alþingi, 141. löggjafarþing, hefur samþykkt frumvarp til stjórnarskipunarlaga um breytingu á stjórnarskrá lýðveldisins Íslands, nr. 33/1944, með síðari breytingum, ber samkvæmt 79. gr. stjórnarskrárinnar að rjúfa þing og stofna til almennra kosninga að nýju, og samkvæmt 21. gr. laga um kosningar til Alþingis, nr. 24/2000, að ákveða kjördag.

Samkvæmt þessu veiti ég forsætisráðherra hér með umboð til þess í mínu nafni að rjúfa Alþingi þegar framangreint stjórnarskipunarlagafrumvarp hefur verið samþykkt, en almennar kosningar fari fram laugardaginn 27. apríl 2013 eins og þegar hefur verið boðað á grundvelli 20. gr. laga nr. 24/2000.

*Gjört á Bessastöðum, 27. mars 2013.*

**Ólafur Ragnar Grímsson.**  
(L. S.)

\_\_\_\_\_  
*Jóhanna Sigurðardóttir.*

Þar eð Alþingi hefur hinn 28. mars 2013 samþykkt nefnt stjórnarskipunarlagafrumvarp hefur Alþingi samkvæmt umboði verið rofið og ákveðið að almennar kosningar fari fram laugardaginn 27. apríl 2013.

*Forsætisráðuneytinu, 2. apríl 2013.*

**Jóhanna Sigurðardóttir.**

\_\_\_\_\_  
*Ágúst Geir Ágústsson.*